

|| OM SHRI SADGURU DEVAI NAMAH ||

SHRI SADGURU MAHIMA

Param pavitra sthaan hai Sidhdaata kaa dham,
Saare tirath kar liye, Lekar Guru ka naam.
Guru charnan ki dhool bhi Mile agar naadaan,
Daur ke sar pe dhaar le Yaa ko nahin bakhaan.
Brahm astra ki kaat hai, Guru Kirpa bei kaat,
Guru kripaa jaa par bhaie, Waa ki ban gayi baat.
Ab aage naa vyarth ho Saanson kaa vyopaar,
Simar naam Guru dev kaa, jo jag ke aadhaar.
Guru bachaavanhaar hai, guru hi bakshanhaar,
jaa ke sir par haath hai vaa ko beraa paar.
Jahaan samarpan bhaav hai vahaan guru aashish,
bagiyaa seva dharm ki premaansoovan se seench.

॥ OM SHRI SADGURU DEVAI NAMAH ॥

SHRI SADGURU KAVACH

DOHA

Dayaa kari Gurudev ne, Dil se kiya jo yaad,
Rakshaa karne aa gaye, Daas ki deena naath.

Jinke charan maha sukhdayee, jinki sharan maha faldayee.
Jinka simran sukh ka dhaam, aise Sadguru ko parnaam.
Jinki mahimaa kahi na jaaye, jo dinan ke sadaa sahaay.
Jinke darshan kaa partaap, har le sab dukh aur santaap.
Jinki nazar mein jo bhi aayaa, usne apna dosh kataaya.
Jinko kehte aughar daani, unki yeh duniyaa diwani.
Jinkaa ooncha hai darbar, Jo daason ke hai aadhar
Runk jaha raja ban jaate, aisaa woh darbaar lagaate.
Bhakti mein shakti hai bhai, baar-baar yeh baat bataayi.
Khel naam kaa hi saara hai, sadguru naam teraa pyara hai.
Maat pitta aur tumhin paalak, ham sab tere daas va baalak.
Tumhi mitr aur tumhi sakhaa ho, hum daasan par sadaa dayaa ho.
Naam let ban jaataa kaaraj, Naam sadaa detaa hai dheeraj.
Maanavtaa kaa paath padhaate, sadmaarag par sadaa chalaate.
Jisne apnaa maan liya hai, usne tumko jaan liyaa hai.
Jitnaa jaanaa utnaa kaafi, bhool chook par dena maafi.
Bhaktan kaa tum maan badhaate, rote aate haste jaate.
Jinki sangat mein sab dhaam, aise data ko parnaam.
Unkaa hota bedaa paar, simran hai jinkaa Aadhaar.
Jisne naam ki mahima jani, uskaa nahi rahaa koi saani.
Sab santon kaa hai farmaan, naam ke peeche hai bhagwaan.
Guru naam hai kavach hamara, kya kar lega yeh sansara.
Naam hi raksha kavach kahaye, naam hi bigre kaam banaye.
Sadguru kavach jo pade padaye, vaa pe vippati kabhi naa aaye.

DOHA

Jai Gurudev kaa jaap hi sab mantroon kaa mool,
“Paras” Satguru sadaa rahe daasoon par anukool.

SHRI SADGURU CHAALISA

DOHA

Nishkantak ho maarag swami, Chola ho nirdosh.
Sadguru tumhari sharan mein, Sada rahan santosh

CHOPAEE

Jai Jai Jai Gurudev Gusaayee, kripa karo daasan par sai.
Tumhri mahima dev bhi gaave, Shri charnan mein sheesh jhukaave.
Sadgun jaage sab chinta maahi, Guru kripa bin sambhav naahin.
Guru seva sum bhakti na koi, Yog dhyan aavat naa mohi.
Dinan ke tum deen dayala, Kripa karo mo par kirpala.
Karni se kuch jodhaa naahin, Nahin kahtaa mein suni sunayee.
Vidhi niyam jap tap nahin aave, Daas tumhaara daas kahaave.
Hun tumhare daasan ko daasa, Aur nahin kachu more paasa.
Sadguru tum ho daya ke sagar, Dhanya huva mein dar pe aakar.
Sidhan ko bhi dene vale, Daata apne bade niraale.
Narayan ke daras tumhaare, Tum bhaktan ke pranan pyare.
Tumhari lila tum hi jaano, Daasan ko prabhu apna maano.
Ved shastra ki shobhaa tumse, Brahm vaakya nikle hai mukhse.
Roop tumhara jyoti swaroopa, Dhyaan tumhara param anoopa.
Kripa drishti sadguru kar dije, Bhav badha mori har lije,
Bhakti ko tum yaad batate, Deeno par tum daya dikhate,
Teeno kaal ke tum ho gyaata, Bhaagvaan hi sharan mein aata.
Chamatkaar tum nitya dikhaate, Vishvasi ke bhaag jagaate.
Tumhro aasan brahm ko aasan, Aage kahoon pai anushaasan.
Nibalon ke sambal hai daata, Janam-janam ka tumse naata.
Paramhans hai param gati mein, Agyaani ki yahi mati mein.
Samrath tumhri jag jaane hai, Jagatguru duniya maane hai.
Dhan-dhan Sadguru bhaagya hamare, Jo paaye hai charan tumhare.
Sharnaagat ke tum rakhwale, Jo chaahe Sharnaagati paale.
Bhoot preth baadha har lete, Jahan ek drishti kar dete.
Sab deenan par daya tumhari, Hey samdarshi jagat murari.
Shobha Is dar ki hai niyaari, Nayochhavar mein bali balihaari.
Shradha suman kare nit arpan, Paaya hai gar maanav jeevan.
Maanav-jeevan kripa Ram ki, Mahima janu Guru naam ki.
Bhav sagar ye paar karaaye, Gurukripa sab kaam banaye.
Apni saari nek kamayee, Jan-Jan pe hai sada lutayee,
Apna tap partaap baanthte, Vidhi ka likha roz taalte.
Bhaag palat santaan dilate, Ruke hue sab kaam banate.
Parsamsidh job hi farmaate, Vo sab atal satya ho jaate.
Jo Sadguru ki sharan mein aaya, Jisne Sadguru naam kamaya.
Uss par kabhi kassth nahin aaya, Jo maanga soh usne paya.
Sidh karo yeh vani guruvar, Tumhari kripa rahe jan-jan par.
Daas tumhara sada kahega, Guru chalisa amar rahega.
Jo nit paath karenga bhai, Taa par kripa kare Guru maiie.
Jai Gurudev Jai shri gurudeva, Parasnath kare nit seva.

|| OM SHRI SADGURU DEVAI NAMAH ||

AARTI-SHRI SADGURU MAHARAJ KI

Om Jai Shri Gurudeva, Swami Jai Shri Gurudeva
Tumhari Sharan Mein Aakar, Sadaa Karoon Seva ||

Brahmaa Vishnoo Sadaashiv,Tum Sadguru Mere |
Tumhari Sharan Mein Aakar, Bhaag Jage Mere ||
Om Jai Shri...

Deen Dukheen Ke Sambal, Tum Sabke Daata |
Tumhari Daya Ka Swami, Paar Nahin Paata ||
Om Jai Shri...

Tum Daasan Ke Thakur, Tum Rakshak Daata |
Tumhare Roop Anekon, Kahaa Nahin Jaata ||
Om Jai Shri...

Tumhra Simran Karke, Shakti Miley Daata
Tumhare Darshan Karke, Paap Utar Jaataa ||
Om Jai Shri...

Tum Narayan Swami, Tumhii Ishth Deva |
Tumhari Leela Nyaari, Tum Devan Deva ||
Om Jai Shri...

Sadguru Dev Ki Aarti, Jo Koi Jan Gaave
Kahe daasan ko daasa, Sukh Sampati Pave ||
Om Jai Shri...